

# ইডেন-বদরুন্নেসা নিয়ে নারী বিশ্ববিদ্যালয় করার অঙ্গীকার জামায়াতের

নিজস্ব প্রতিবেদক



আগামী ১২ ফেব্রুয়ারি নির্বাচিত হলে দেশে বিশ্বের সর্ববৃহৎ নারী বিশ্ববিদ্যালয় করার অঙ্গীকার দিয়েছে বাংলাদেশ জামায়াতে ইসলামী। আজ বুধবার সন্ধ্যায় ত্রয়োদশ জাতীয় সংসদ নির্বাচনের ইশতেহারে এ ঘোষণা দেয় দলটি।

আসন্ন ত্রয়োদশ জাতীয় সংসদ নির্বাচনের ইশতেহারে রাজধানীতে বিশ্বের সর্ববৃহৎ নারী বিশ্ববিদ্যালয় স্থাপনের ঘোষণা দিতে যাচ্ছে বাংলাদেশ জামায়াতে ইসলামী। আজ বুধবার সন্ধ্যা সাড়ে ৬টায় ইশতেহার ঘোষণা শুরু করছে জামায়াত।

জামায়াত তাদের ইশতেহারে বলেছে, ইডেন কলেজ, বেগম বদরুন্নেসা সরকারি মহিলা কলেজ এবং হোম ইকোনমিকস কলেজকে একীভূত করে বিশ্বের সর্ববৃহৎ নারী বিশ্ববিদ্যালয় গঠন করা হবে।

নারীশিক্ষা নিয়ে জামায়াতের ইশতেহারে আরো বলা হয়েছে, শিক্ষার সব ক্ষেত্র ও স্তরে নারীর সমান প্রবেশাধিকার ও অধিকার সংরক্ষণ করা হবে। যাতে নারী তার ইচ্ছা অনুযায়ী শিক্ষাগ্রহণ ও কর্মে প্রবেশ করতে পারেন। নারীরা স্নাতক পর্যন্ত বিনা বেতনে পড়াশোনা করতে পারবেন।